

FAQ «Medi-Cal Managed Care»-ի առողջապահական ծրագրերի փոփոխության մասին

Ինչո՞ւ են որոշ շրջաններում «Medi-Cal»-ի առողջապահական ծրագրերը փոխվում:

California-ն փոփոխություններ է կատարում «Medi-Cal»-ում, որպեսզի Դուք կարողանաք ստանալ առողջ կյանք ապրելու համար անհրաժեշտ խնամքը:

2024 թվականին «Medi-Cal»-ի առողջապահական ծրագրերը պետք է համապատասխանեն որակի, մատչելիության, հաշվետվության և թափանցիկության նոր կանոններին: Դա կապահովի, որ ողջ նահանգում մեր անդամներն օգտվեն բոլոր առողջապահական ծրագրերի կողմից ժամանակին ու բարձր մակարդակով տրամադրվող խնամքից:

«Medi-Cal»-ի իմ առողջապահական ծրագրում կատարվող փոփոխությունը կազդի՞ «Medi-Cal»-ի իմ ապահովագրության վրա:

Ոչ: Եթե անգամ «Medi-Cal»-ի Ձեր առողջապահական ծրագիրը փոխվի, «Medi-Cal»-ի Ձեր ապահովագրությունը և նպաստները նույնը կմնան:

Ինչպե՞ս իմանամ, որ «Medi-Cal»-ի իմ առողջապահական ծրագիրը փոխվում է:

[Պարզեք, թե արդյոք «Medi-Cal»-ի Ձեր առողջապահական ծրագիրը փոխվելու է:](#)

Ես ի՞նչ պիտի անեմ, եթե այնպիսի մի շրջանում եմ ապրում, որտեղ «Medi-Cal»-ի առողջապահական ծրագրերը փոխվում են:

«Medi-Cal»-ի առողջապահական ծրագիրը փոխվում է.

Եթե Ձեր շրջանում «Medi-Cal»-ի առողջապահական ծրագրերը փոխվում են, հնարավոր է, որ Դուք ստիպված լինեք «Medi-Cal»-ի նոր առողջապահական ծրագիր ընտրել:

Ավտոմատ անդամագրումը.

Որոշ շրջաններում Դուք ավտոմատ կերպով կընդգրկվեք «Medi-Cal»-ի որևէ առողջապահական ծրագրում, և կարիք չի լինի ընտրելու:

[Մանրամասներ հոգեւտնային խնամք ստացող երեխաների և երիտասարդ անդամների համար](#)

Ինչպե՞ս «Medi-Cal»-ն ինձ տեղյակ կապահի «Medi-Cal»-ի իմ առողջապահական ծրագրում տեղի ունեցած փոփոխության մասին:

Դա կախված է այն բանից, թե որ շրջանում եք Դուք ապրում: Ստորև կարող եք կարդալ տեղեկություններն ըստ նահանգների:

«Medi-Cal»-ի առողջապահական ծրագիրը փոխվում է.

«Medi-Cal»-ի առողջապահական ծրագրերի ընտրություն առաջարկող շրջանները Աշխարհագրական կառավարվող բուժսպասարկումը (Geographic Managed Care) (GMC), երկծրագիր և տարածքային շրջանները՝

- | | | |
|-------------|------------------|-----------------|
| • Alpine | • Kings | • San Diego |
| • Amador | • Los Angeles | • San Francisco |
| • Calaveras | • Madera | • San Joaquin |
| • El Dorado | • Mono | • Santa Clara |
| • Fresno | • Riverside | • Stanislaus |
| • Inyo | • Sacramento | • Tulare |
| • Kern | • San Bernardino | • Tuolumne |

Եթե Դուք ապրում եք վերը թվարկված շրջաններից մեկում, և «Medi-Cal»-ի Ձեր առողջապահական ծրագիրը փոխվում է, ապա հնարավոր է, որ Դուք նամակ ստանաք.

- **Հոկտեմբեր 2023 թ.:** Եթե այժմ դուք «Medi-Cal»-ի այնպիսի մի առողջապահական ծրագրում եք ընդգրկված, որը 2023 թ. վերջում հեռանալու է շրջանից, ապա «Medi-Cal»-ի Ձեր առողջապահական ծրագիրը Ձեզ նամակ կուղարկի ու կհայտնի «Medi-Cal»-ի առողջապահական ծրագրի փոփոխության մասին:
- **Նոյեմբեր և դեկտեմբեր 2023 թ.:** «Medi-Cal»-ն ավելի մանրամասն նամակներ կուղարկի Ձեզ՝
 - «Medi-Cal»-ի նոր առողջապահական ծրագրերին անդամագրվելու,
 - Ձեզ հասանելի նոր տարբերակների մասին:

Եթե Դուք պետք է «Medi-Cal»-ի նոր առողջապահական ծրագիր ընտրեք.

Դուք «Ընտրության փաթեթ» կստանաք, որի օգնությամբ «Medi-Cal»-ի նոր առողջապահական ծրագիր կընտրեք Ձեր շրջանում: Դուք պետք է «Medi-Cal»-ի նոր առողջապահական ծրագիր ընտրեք մինչև **2023 թ. դեկտեմբերի 22-ը:** Եթե չընտրեք, ապա ավտոմատ կերպով կընդգրկվեք «Medi-Cal»-ի որևէ նոր առողջապահական ծրագրում կամ «Medi-Cal Fee-For-Service»-ում (օրինակ՝ հոգետնային խնամք ստացող երեխաները կամ երիտասարդ անդամները):

- **Դեկտեմբեր 2023 թ.:** Այն բանից հետո, երբ Դուք «Medi-Cal»-ի նոր առողջապահական ծրագիր ընտրեք կամ ավտոմատ կերպով ընդգրկվեք «Medi-Cal»-ի նոր առողջապահական ծրագրում, «Medi-Cal»-ը Ձեզ նամակ կուղարկի, որը տեղեկություններ կպարունակի «Medi-Cal»-ի Ձեր նոր առողջապահական ծրագրի մասին:
- **Հունվար 2024 թ.:** «Medi-Cal»-ի Ձեր նոր առողջապահական ծրագիրը Ձեզ ողջույնի փաթեթ կուղարկի:

Միակ ծրագրով կամ Կազմակերպված շրջանային առողջապահական համակարգով (County-Organized Health System) (COHS) շրջանները.

- | | | |
|----------------|-------------------|--------------|
| • Alameda | • Merced | • Santa Cruz |
| • Butte | • Modoc | • Shasta |
| • Colusa | • Monterey | • Sierra |
| • Contra Costa | • Napa | • Siskiyou |
| • Del Norte | • Nevada | • Solano |
| • Glenn | • Orange | • Sonoma |
| • Humboldt | • Placer | • Sutter |
| • Imperial | • Plumas | • Tehama |
| • Lake | • San Benito | • Trinity |
| • Lassen | • San Luis Obispo | • Ventura |
| • Marin | • San Mateo | • Yolo |
| • Mariposa | • Santa Barbara | • Yuba |
| • Mendocino | | |

Եթե Դուք ապրում եք այնպիսի շրջանում, որն անցնում է «Միակ ծրագրով» մոդելի կամ Կազմակերպված շրջանային առողջապահական համակարգով (COHS) մոդելի, ապա Դուք **ավտոմատ կերպով կընդգրկվեք** COHS ծրագրում, «Միակ ծրագրում» կամ «Kaiser Permanente»-ում:

- **Հոկտեմբեր 2023 թ.:** Եթե այժմ դուք «Medi-Cal»-ի այնպիսի մի առողջապահական ծրագրում եք ընդգրկված, որը 2023 թ. վերջում հեռանալու է շրջանից, ապա «Medi-Cal»-ի Ձեր առողջապահական ծրագիրը Ձեզ նամակ կուղարկի ու կհայտնի «Medi-Cal»-ի առողջապահական ծրագրի փոփոխության մասին:
- **Նոյեմբեր և դեկտեմբեր 2023 թ.:** «Medi-Cal»-ն ավելի մանրամասն նամակներ կուղարկի Ձեզ՝
 - «Medi-Cal»-ի նոր առողջապահական ծրագրերին անդամագրվելու,
 - Ձեզ հասանելի նոր տարբերակների մասին:

- **Դեկտեմբեր 2023 թ.:** «Medi-Cal»-ը Ձեզ նամակ կուղարկի, որը տեղեկություններ կպարունակի Ձեզ ավտոմատ կերպով «Medi-Cal»-ի որևէ նոր առողջապահական ծրագրում կամ «Medi-Cal Fee-for-Service»-ում (FFS) (օրինակ՝ հոգետնային խնամք ստացող երեխաներին կամ երիտասարդ անդամներին՝ Միակ ծրագրով շրջաններում) ընդգրկելու մասին:
- **Հունվար 2024 թ.:** «Medi-Cal»-ի Ձեր նոր առողջապահական ծրագիրը Ձեզ ողջույնի փաթեթ կուղարկի:

Կարո՞ղ եմ ես պահել իմ բժշկին:

Եթե Ձեր բժիշկն ընդգրկված է «Medi-Cal»-ի Ձեր նոր առողջապահական ծրագրում.

Ձեր բժիշկը կարող է ընդգրկված լինել «Medi-Cal»-ի Ձեր շրջանում գործող նոր առողջապահական ծրագրերում: «Medi-Cal»-ի Ձեզ հասանելի առողջապահական ծրագրերի և «Medi-Cal»-ի առողջապահական ծրագրերի հետ աշխատող բժիշկների մասին լրացուցիչ տեղեկությունների համար այցելեք www.healthcareoptions.dhcs.ca.gov:

Եթե Ձեր բժիշկն ընդգրկված չէ «Medi-Cal»-ի Ձեր նոր առողջապահական ծրագրում.

- Եթե անցյալ **12 ամիսների** ընթացքում Դուք այցելել եք «Medi-Cal»-ի մի բժշկի, որը «Medi-Cal»-ի Ձեր նոր առողջապահական ծրագրում ընդգրկված չէ, հնարավոր է, որ կարողանաք պահել Ձեր բժշկին, եթե «Medi-Cal»-ի Ձեր նոր առողջապահական ծրագրից [շրնդհատվող խնամք \(continuity of care\)](#) խնդրեք:
- Չշրնդհատվող խնամքը նշանակում է, որ «Medi-Cal»-ի նոր առողջապահական ծրագրին անդամագրվելուց հետո Դուք կարող եք մինչև 12 ամիս պահել «Medi-Cal»-ի սպասարկողին: Դա վերաբերում է Ձեր նախնական բուժսպասարկման բժշկին (primary care doctor) (PCP), մասնագետներին, ֆիզիոթերապևտներին, աշխատաբույժներին և ուրիշներին:
- Ձեր բժիշկը կարող է համաձայնել աշխատակցել «Medi-Cal»-ի Ձեր նոր առողջապահական ծրագրի հետ: Դա կարող է տևել մինչև 12 ամիս կամ, որոշ դեպքերում, ավելի երկար:
- Չշրնդհատվող խնամքը կարևոր է Ձեր առողջության և բարօրության համար: [\(Ծանուցում լրացուցիչ տեղեկությունների մասին\)](#)
- Եթե Ձեզ չշրնդհատվող խնամք է հարկավոր, «Medi-Cal»-ի նոր առողջապահական ծրագրին անդամագրվելուց հետո զանգահարեք «Medi-Cal»-ի Ձեր նոր առողջապահական ծրագրի անդամների սպասարկման բաժին:

- «Medi-Cal»-ի Ձեզ հասանելի առողջապահական ծրագրերի և «Medi-Cal»-ի առողջապահական ծրագրերի հետ աշխատող բժիշկների մասին լրացուցիչ տեղեկությունների համար այցելեք www.healthcareoptions.dhcs.ca.gov:

Եթե Ձեզ բժիշկ է հարկավոր.

Եթե Ձեր բժիշկը չհամաձայնի աշխատել «Medi-Cal»-ի Ձեր նոր առողջապահական ծրագրի հետ, «Medi-Cal»-ի Ձեր նոր առողջապահական ծրագիրը կօգնի Ձեզ նոր բժիշկ գտնել:

Եթե «Medi-Cal»-ի իմ առողջապահական ծրագիրը փոխվի, կարող եմ ես 2023 թ. հոկտեմբերից մինչև 2023 թ. դեկտեմբերի 31-ը շարունակել մնալ «Խնամքի խորացված կառավարման» (Enhanced Care Management) (ECM) և «Համայնքային օժանդակության» ծրագրերում:

Այո: Այժմ «Medi-Cal»-ի որևէ առողջապահական ծրագրում ընդգրկված անդամները կարող են մինչև 2023 թ. դեկտեմբերի 31-ը շարունակել «Medi-Cal»-ի տվյալ առողջապահական ծրագրում գործող ECM-ի և «Համայնքային օժանդակության» ծրագրի իրենց անդամությունը:

Եթե ես «Medi-Cal»-ի նոր անդամ եմ, կարող եմ 2023 թ. հոկտեմբերից մինչև 2023 թ. դեկտեմբերի 31-ն անդամագրվել «Խնամքի խորացված կառավարման» (ECM) և «Համայնքային օժանդակության» ծրագրերին:

Նայած՝ որ դեպքում: Միայն «Medi-Cal»-ի առողջապահական ծրագրերն են ECM և «Համայնքային օժանդակություն» տրամադրում: Դրանք չեն գործում «Medi-Cal Fee-For-Service»-ում (FFS): Եթե Դուք այժմ անդամագրվեք «Medi-Cal»-ի՝ Ձեր շրջանում գործող որևէ առողջապահական ծրագրի, Դուք ծրագրում կընդգրկվեք հաջորդ ամսվա առաջին օրը: Ծրագրում ընդգրկվելու օրվանից հետո Ձեզ հասանելի կլինեն ECM-ը և «Համայնքային օժանդակությունը»:

Եթե Դուք անդամագրվեք «Medi-Cal»-ի այնպիսի մի առողջապահական ծրագրի, որը 2024 թ. հունվարի 1-ից նոր սկսում է գործել Ձեր շրջանում, ապա Դուք կմնաք «Medi-Cal» FFS-ում, մինչև «Medi-Cal»-ի Ձեր նոր առողջապահական ծրագիրը սկսի գործել 2024 թ. հունվարի 1-ից: Մինչև «Medi-Cal»-ի Ձեր նոր առողջապահական ծրագիրը չսկսի գործել, Դուք ECM և «Համայնքային օժանդակություն» չեք ստանա:

«Medi-Cal»-ի ներկայումս գործող առողջապահական ծրագրերի և 2024 թ. հունվարի 1-ից սկսվող «Medi-Cal»-ի նոր առողջապահական ծրագրերի մասին լրացուցիչ տեղեկությունների համար կարդացեք [«Medi-Cal»-ի առողջապահական ծրագրերի ցուցակն ըստ շրջանների](#):

Ի՞նչ է փոխվելու հոգեւոնային խնամք ստացող երեխաների և երիտասարդների համար:

Եթե Դուք ապրում եք ստորև նշված շրջաններից մեկում՝

- Butte
- Colusa
- Glenn
- Mariposa
- Nevada
- Placer
- Plumas
- San Benito
- Sierra
- Sutter
- Tehama
- Yuba

- Ձեր շրջանն անցնում է «Կազմակերպված շրջանային առողջապահական համակարգի» (COHS) մոդելի:
- Դուք պետք է անդամագրվեք «Medi-Cal»-ի՝ Ձեր շրջանում գործող առողջապահական ծրագրին:
- Դուք նույնքան ու դեկտեմբերին նամակներ կստանաք «Medi-Cal»-ից, որոնք Ձեզ կհայտնեն այդ փոփոխության մասին:
- Հունվարին Դուք ողջույնի փաթեթ կստանաք «Medi-Cal»-ի Ձեր նոր առողջապահական ծրագրից:
- Կարևոր է նախնական բուժսպասարկման սպասարկող (PCP) ընտրել: «Medi-Cal»-ի Ձեր առողջապահական ծրագիրը կարող է օգնել Ձեզ, որ ընտրեք:
- Եթե Դուք այժմ PCP ունեք, հարկավոր է զանգահարել «Medi-Cal»-ի Ձեր նոր առողջապահական ծրագիր և համոզվել, որ Ձեր բժիշկն աշխատում է «Medi-Cal»-ի Ձեր նոր առողջապահական ծրագրի հետ:

Եթե Դուք ապրում եք ստորև նշված շրջաններից մեկում՝

- Alpine
- El Dorado
 - Ձեր շրջանն անցնում է երկծրագիր մոդելի:
 - Եթե այժմ Դուք Fee-For-Service (FFS) «Medi-Cal»-ում եք, Դուք նամակ **չեք** ստանա 2023 թվականի վերջին: «Medi-Cal»-ի առողջապահական ծրագրում գտնվելը շարունակում է Ձեզ համար կամավոր լինել:
 - Եթե այժմ Դուք «Medi-Cal»-ի այնպիսի մի առողջապահական ծրագրի կամավոր անդամ եք, որը 2024 թ. հունվարի 1-ից դադարելու է գործել Ձեր շրջանում, ապա հոկտեմբերին Դուք նամակ կստանաք «Medi-Cal»-ի այդ առողջապահական ծրագրից: Նամակում կասվի, որ հունվարից այն այլևս «Medi-Cal»-ի Ձեր առողջապահական ծրագիրը չի լինելու:
 - Բացի այդ, Դուք նույնքան ու դեկտեմբերին նամակներ կստանաք «Medi-Cal»-ից, որոնք Ձեզ կհայտնեն այդ փոփոխության մասին:

- Դուք կամավոր անդամագրման փաթեթ կստանաք «Medi-Cal»-ից, որպեսզի «Medi-Cal»-ի Ձեր շրջանում գործող որևէ առողջապահական ծրագիր ընտրեք, եթե ցանկանում եք «Medi-Cal»-ի առողջապահական ծրագրի անդամ լինել:
- Եթե Դուք «Medi-Cal»-ի որևէ առողջապահական ծրագիր չընտրեք, ապա 2024 թ. հունվարի 1-ից կփոխադրվեք FFS «Medi-Cal»:

Եթե Դուք ապրում եք ստորև նշված շրջաններից մեկում՝

- Alameda
- Contra Costa
- Imperial
 - Ձեր շրջանն անցնում է միակ ծրագրով մոդելի:
 - Եթե այժմ Դուք Fee-For-Service (FFS) «Medi-Cal»-ում եք, Դուք նամակ **չեք** ստանա 2023 թվականի վերջին: «Medi-Cal»-ի առողջապահական ծրագրում գտնվելը շարունակում է Ձեզ համար կամավոր լինել:
 - Եթե այժմ Դուք «Medi-Cal»-ի այնպիսի մի առողջապահական ծրագրի կամավոր անդամ եք, որը 2024 թ. հունվարի 1-ից դադարելու է գործել Ձեր շրջանում, ապա հոկտեմբերին Դուք նամակ կստանաք «Medi-Cal»-ի այդ առողջապահական ծրագրից: Նամակում կասվի, որ հունվարից այն այլևս «Medi-Cal»-ի Ձեր առողջապահական ծրագիրը չի լինելու:
 - Բացի այդ, Դուք նույնիսկ ու դեկտեմբերին նամակներ կստանաք «Medi-Cal»-ից, որոնք Ձեզ կհայտնեն այդ փոփոխության մասին:
 - «Medi-Cal»-ի մի նոր առողջապահական ծրագրի անդամագրվելու համար զանգահարեք «Medi-Cal Health Care Options» (HCO)՝ երկուշաբթի - ուրբաթ օրերին, առավոտյան ժամը 8-ից մինչև երեկոյան 6-ը՝ 1-800-840-5032 (TTY՝ 1-800-430-7077) հեռախոսահամարով: Կամ այցելեք **www.healthcareoptions.dhcs.ca.gov**:
 - Եթե Դուք «Medi-Cal»-ի նոր առողջապահական ծրագիր չընտրեք, կմնաք FFS «Medi-Cal»-ում: Միակ ծրագրով շրջաններում հոգետնային խնամք ստացող երեխաները և երիտասարդ անդամները մինչև 2025 թվականը կարիք չունեն անդամագրվելու «Medi-Cal»-ի որևէ ծրագրի:

Իմ «Medicare»-ը կփոխվի, եթե ես ունեմ և «Medi-Cal», և «Medicare» (կրկնակի իրավունակ եմ):

Ոչ, «Medicare»-ի Ձեր նպաստները և սպասարկողները **չեն** փոխվի, երբ «Medi-Cal»-ի Ձեր առողջապահական ծրագիրը փոխվի:

«Medicare»-ի Ձեր սպասարկողները՝

- Պարտադիր չէ, որ ընդգրկված լինեն «Medi-Cal»-ի Ձեր առողջապահական ծրագրի ցանցում, որպեսզի շարունակեն սպասարկել Ձեզ, սակայն պետք է «Medi-Cal»-ի անդամ լինեն:

- Չեն կարող Ձեզնից համավճարումներ, համատեղ ապահովագրության և չապահովագրված մասի վճարումներ պահանջել, եթե Դուք «Medi-Cal»-ի անդամ եք:
- Համավճարումների, համատեղ ապահովագրության և չապահովագրված մասի վճարումների համար պետք է հաշիվ ուղարկեն «Medi-Cal»-ի Ձեր առողջապահական ծրագրին, եթե անգամ նրանք «Medi-Cal»-ի ցանցում ընդգրկված չեն:

Եթե հարցեր ունեք Ձեր «Medicare»-ի կամ «Medicare Advantage» ծրագրի մասին, զանգահարեք 1-800-MEDICARE կամ Ձեր «Medicare Advantage» ծրագրի անդամության քարտի վրա նշված համարով: [Իմացեք ավելին:](#)

PACE-ի և SCAN-ի առողջապահական ծրագրերը կփոխվեն, եթե «Medi-Cal»-ի իմ առողջապահական ծրագիրը փոխվի:

Ոչ: Այդ ծրագրերը չեն փոխվի:

[Program of All-Inclusive Care for the Elderly \(PACE\)](#)

[Senior Care Action Network \(SCAN\)](#)

Կարող եք ավելին իմանալ այցելելով`

[Ինչպես անդամագրվել PACE-ի կամ SCAN-ի առողջապահական ծրագրի](#)

Պաշտպանության ինչ միջոցներ են գործում American Indian և Alaska Native անդամների համար այս փոփոխության ընթացքում:

Եթե Դուք Indian առողջապահական սպասարկող ունեք`

American Indian/Alaska Native (AI/AN) անդամները կարող են ցանկացած ժամանակ առողջապահական ծառայություններ ստանալ հնդկացիական առողջապահական (Indian Health Care) սպասարկողից:

Օգնության համար դիմեք:

- տվյալ անդամի «Medi-Cal»-ի առողջապահական ծրագրին **կամ**
- «Medi-Cal Ombudsman»-ին
 - **Հեռախոս`** 1-888-452-8609 (զանգն անվճար է)
 - **TTY`** 711` California State Relay-ի համար
 - **Էլ. փոստ`** MMCDOmbudsmanOffice@dhcs.ca.gov

Եթե Դուք ոչ հնդկացիական (Non-Indian) առողջապահական սպասարկող ունեք.

Այն AI/AN անդամները, որոնք խնամք են ստանում այնպիսի մի սպասարկողից, որն Indian Health Care Provider (IHCP) չէ, կարող են հնարավորություն ունենալ պահելու նույն սպասարկողին, եթե [չընդհատվող խնամքի](#) թույլտվություն ստանան:

Եթե [չընդհատվող խնամքի](#) թույլտվություն ստանալու հարցում օգնության կարիք ունեք, դիմեք «Medi-Cal»-ի Ձեր առողջապահական ծրագրին:

Կառավարվող բուժսպասարկումից դուրս գալը.

- Որոշ շրջաններում AI/AN անդամները կարող են դուրս գալ կառավարվող բուժսպասարկման համակարգից:
- Այն շրջաններում, որտեղ անդամը չի կարող դուրս գալ, նա, միևնույն է, իրավունք ունի այցելելու IHCP-ի, եթե անգամ «Medi-Cal»-ի որևէ առողջապահական ծրագրի անդամ չէ:
- Ավելին իմանալու համար՝
 - Կարդացեք [Ծանուցումը լրացուցիչ տեղեկությունների մասին](#)
 - Դիմեք «Health Care Options»-ին
 - **Հեռախոս՝ 1-800-840-5032**
 - **Կայք՝ www.healthcareoptions.dhcs.ca.gov**

Ի՞նչ պետք է ես անեմ, եթե «Medi-Cal»-ի իմ առողջապահական ծրագրի փոփոխության մասին հայտնող նամակից բացի, փոստով դեղին ծրար եմ ստացել՝ «Medi-Cal»-ի ծրագրի թարմացման ձևաթղթով:

Նախ լրացրեք «Medi-Cal»-ի թարմացման ձևաթուղթը: Եթե մինչև «Medi-Cal»-ի թարմացման ձևաթղթի վրա տպագրված ամսաթիվը Դուք չթարմացնեք ծրագիրը, ապա կարող եք կորցնել Ձեր «Medi-Cal»-ը: «[Պահպանեք Ձեր «Medi-Cal»-ը](#)» կայքում Դուք տեղեկություններ կգտնեք այն մասին, թե ինչպես թարմացնեք Ձեր «Medi-Cal»-ը:

«Medi-Cal»-ի թարմացման ձևաթուղթը լրացնելուց հետո խնդրում ենք կարդալ «Medi-Cal»-ի նամակը «Medi-Cal»-ի Ձեր առողջապահական ծրագրի փոփոխության մասին: Ինչպես նկարագրված է վերը բերված FAQ-ում (տես [«Ինչպես «Medi-Cal»-ն ինձ տեղյակ կպահի «Medi-Cal»-ի իմ առողջապահական ծրագրում տեղի ունեցած փոփոխության մասին:»](#)), «Medi-Cal»-ի անդամները կա՛մ ավտոմատ կերպով կընդգրկվեն «Medi-Cal»-ի որևէ նոր առողջապահական ծրագրում կամ հնարավորություն կունենան ինքները «Medi-Cal»-ի նոր առողջապահական ծրագիր ընտրելու՝ կախված այն բանից, թե որ շրջանում են ապրում: Եթե Դուք պահպանեք «Medi-Cal»-ի Ձեր ապահովագրությունը, Դուք կընդգրկվեք «Medi-Cal»-ի որևէ նոր առողջապահական ծրագրում, եթե անգամ մինչև *«My Medi-Cal Choice»* փաթեթում նշված ամսաթիվն ինքներդ ծրագիր չընտրեք, որն ուժի մեջ կմտնի 2024 թ. հունվարի 1-ից:

«Medi-Cal»-ն ուղարկում է «Medi-Cal»-ի առողջապահական ծրագրերում տեղի ունեցող փոփոխությունների մասին նամակներն այն անձանց, որոնք նամակն ուղարկելու պահին (2023 թ. նոյեմբեր և դեկտեմբեր ամիսներին)

անդամագրված են և իրավունակ «Medi-Cal»-ի համար: Եթե Դուք կորցնեք «Medi-Cal»-ի Ձեր ապահովագրությունը, և այն չվերականգնվի մինչև 2024 թ. հունվարի 1-ը, Դուք կարիք չունեք ոչինչ անելու՝ «Medi-Cal»-ի առողջապահական ծրագիր ընտրելու համար: Եթե Դուք «Medi-Cal»-ից ծանուցում ստանաք այն մասին, որ Ձեր ապահովագրությունն ավարտված է, խնդրում ենք [«Վերսկսել Ձեր ապահովագրությունը» \(Restart Your Coverage\)](#) կայքում լրացուցիչ տեղեկություններ կարդալ ապահովագրության Ձեզ հասանելի տարբերակների մասին:

Որտեղից կարող եմ ավելին իմանալ «Medi-Cal»-ի առողջապահական ծրագրերի մասին:

Իմացեք ավելին [«Medi-Cal» կառավարվող բուժսպասարկման առողջապահական ծրագրերի տարբերակների և նպաստների](#) մասին:

Որտեղից կարող եմ լրացուցիչ տեղեկություններ ստանալ:

[Այցելեք MCP-ի «Կապվեք մեզ հետ» կայքէջը:](#)